

الخرابه

تأليف

خليفه السيد

(بسم الله الرحمن الرحيم)

(من ذاكرة التراث)

(مسرحية خرابة ام اغنان)

(مسرحية تراثية اجتماعية كوميدية)

تأليف وسنياريو

الكاتب والباحث الشعبي

(خليفة السيد محمد صالح المالكي)

(٢٠٠٧)

بداية المسرحية يفتح الستار على صالة بيت عبد الرحمن الأخ الوسط صالة حديثة
تحتوي على كنب وبعض الاكسسوارات

عبد الرحمن : " يدخل " اتفضلوا .. ياهلا ويامرحبا .. حيالله من يا

عبد الله : " يدخل بعده " هود هود يا أهل البيت

عبد الرحمن : اتفضل اتفضل محد اهنيه .. عيل محمد وينه

عبد الله : محمد يوم شاف المشموم راح صوبه .. اتقول

يلتفت يه وين راحوا

ابهيمه وشايفة لها نفيعه

عبد الرحمن : استريح .. انا بادش داخل اشوي ويايك " يخرج "

عبدالله : خذ راحتك يا الخو احنا مهب غرب

محمد: " يدخل " الحقيقة عبد الرحمن بنى بيت على اصول عبد الله : شفت اشلون
الحديقة .. كل شي فيها خضر .

محمد : اذكر الله ياربال .. تراعينك حاره

عبدالله الف لا اله إلا اله

عبد الرحمن: " يدخل " يا مرحبا حيا الله من يانا .

عبد الله: حيا الله نباك

محمد: ما شاء الله ما شاء الله .. الحقيقة عرفت تبني

وعرفت تزرع .. انا لو الود ودي ما نقعد اهنيه نقعد

برع في الحديقة

عبد الرحمن : ترا في طرف الحديقة بركه لا اتفوتكم

عبد الله : بعد بركة هذا الزين حق التقطط

محمد : هذا البنيان مهب بناي ابيوتنا .. لو اتظهر يدك من الدريشة حشت الطوفة ..

حوش ، وحديقة ، وبركه

عبد الله: ابيوتنا شعبية وعلى قدنا

عبد الرحمن : انشاء الله اموركم كلها بتعدل ... وابتبنون بدل البيت الشعبي اقصور

محمد: هذيه في الحلم

عبد الله : يمكن لين حجت البقر على اقرونها

عبد الرحمن : " يضحك " يا احليلاكتم وانتوا اتر دودن امثال أول اتفضلوا ترا الغدا ينطركم

محمد: يا الله الكبير جدام

عبد الله : انا با تبرع وباروح جدام

عبد الرحمن : اتفضل .. ايقول بيتبرع

مريم : " تدخل وهي تحمل معها شيشة " سعيد .. يا سعيد

سعيد: " من الداخل " ايوا ياست هانم

مريم : نزل القراض من السيارة (تدخل وهي تتحدث في

الجوال) سامحيني يختي خلتك تنطرين .. إيه أكلم ادريول

زوجي عبد الرحمن أبقيه ايدخل لقراض .. رايحه

ياخويتك السوق وشاريه شي أبقيه وشي ما أبقيه

اللي ما أبقيه " تضحك اللي ما أبقيه يا حبيبتي باجسمه

شاسوي تمثلت وان قاعدة في ها البيت لا شغله ولا

مشغلة .. وابشرك شريت لوازم القعدة

سعيد : فين أخلي الحاجة ياستي

مريم : انزين حبيبتي من رخصتك باكلمك بعدين

اشعندك انت

سعيد : الحاجه دي اسيبها هنا

مريم : واشخقة اتسيبها هنا ودها داخل وتحمل ترا فيها

اشياء قابله للكسر اذا انكسر منها شي كسرت راسك

سعيد : ما اتخافيش ياست هانم الحاجه محفوظة

مريم : عيل عمك عبد الرحمن وينه ما اسمع له حس
ليكون رقد

سعيد : سيدي عبد الرحمن عنده ضيوف وقاعد معاهم في
المجلس

مريم : اضيوف .. ما قالي انه عازم حد اليوم (تذهب إلى
أحد الزوايا تنتظر إلى الداخل ثم ترجع) صاكين على روحهم الباب خلاص روح
انت ود لقراض داخل وقول حق عمك مادري سيدك المدام لا الهانم اوصلت
سعيد حاضر ياست هانم

عبد الرحمن : (يدخل) انتي اهنية
مريم : توني داشه جدامك

عبد الرحمن : وين رحتي من الصبح
مريم : وين رححت بعد رححت السوق

عبد الرحمن : عاد كل يوم السوق الناس ايروحون السوق مرة
في الأسبوع وحد يروح السوق مرة في الشهر وحد ما ايشوف السوق الا من عيد
لين عيد

مريم : خلف الله علي اللي مهب الملحقة على هذيه البيت ولا على الناس الا هذي
عاز متني على هدية وهذي عاز متني على عيد ميلاد وهذي عاز متني على اقوه
وهذي يايه من سفر وهذي امرييه وهذي مهب صاحية وما ايسير أروح ويدي خالية
عبد الرحمن : الله ايعينك

مريم : سعيد ايقول أن عندك اضيوف .. منهم هذيلا لضيوف
عبد الرحمن : اخوي عبد الله
واخوي محمد

مريم : زين اللي دروا ان عندهم اخو وزاروك
عبد الرحمن : كان زين اهنا اللي زايريني .. انا اللي عاز مهم
مريم : عاد ما اتقول لي علشان اقوم بالواجب وابيض
ويهك عبد الرحمن : البارحة نسيت لا اقولك .. واليوم الصبح دورتك ما

لقتيك

مريم : كان اتصلت فيني

عبد الرحمن : اتصلت لكن لقيت خطك مققول مادري مشغول المهم لا اتشيلين هم
انا اتصلت في المطعم وسووا لنا هذاك الغوزي الطيب مع العيش الطيب وتوابعه

مريم : (تجلس) واضيوفك خلصوا وإلا لين الحين

عبد الرحمن : اشلون يلستي .. قومي دشني داخل .. الجماعة خلصوا الغدا وبيد
شون الصالة

مريم : بعد بتجيبيهم الصالة كان خليتهم في المجلس

عبد الرحمن : انا قلت لهم باروح اسويلكم طريق وبنروح الصالة ارد واقول لهم
ايلسوا في المجلس ما ايصير

مريم : على هواك .. (تلتفت اليه) ما تبقي اتشوف اللي

شريته من السوق

عبد الرحمن : خليهم لين بعدين

بنشوفهم على فراغة

مريم : (تخرج) بعد أحسن .. لا اتأخر عاد .. ترا انا

تعبانه وباقيلا اشوي

عبد الرحمن : بس اخلص اجيك على طول

مريم : " تخرج " مع السلامة أمنتك الله

عبد الرحمن : مع السلامة .. المرة فيها شي اليوم .. اتفضلوا يا

أخوان .. اتفضلوا انتوا مهب غرب .. البيت بيتكم

: مشكور وما قصرت .. وانعم الله عليك عبد الله

عبد الرحمن : يعل فيه العافية .. (يلتفت إلى محمد) وأنت

محمد وما ازيد عليه : اللي باقوله قاله اخوي عبد الله

يالاخو ليش ساكت ليكون ما اعجبك الغداء

لكن اللي باقوله .. الذيب ما ايهول عبث

عبد الرحمن : يعني اشلون

محمد : يعني هذي العزيمة .. وهذي التكريم والحفاوة الزائدة أكيد وراها شي

عبد الرحمن : سمعت يا عبد الله سمعت كلام اخوك

عبد الله : مثل ما هو اخوي اهوه اخوك .. والام تعرف

رطنة ولدها

أكيد شايف شي آن ما شفته

عبد الرحمن : والله آن ضعت اميينكم

المشكلة إن كلامكم كله الغاز وامثال

محمد: لانك منعزل عنا .. ما كنك منا .. ما كنك اخونا ما

اتعرفنا الا وقت الحاجة .. ولا انشوفك الا من عيد لين عيد وساعات امسافر كلامنا

وامثالنا والغازنا اشلون تبقي تعرف

عبد الله : وساعات تنخش عنا .. انا باقول بالصراحه ساعات اتكون سيارتك واقفه

و ادر يولك اهو اللي يجينا

وايقول انك غير موجود

عبد الرحمن : أنا استغفر الله أنا مجلسي امبطل حق الزين

والشين كيف انتوا يا اخواني اللي من امي وابوي .. لا لا .. انتوا ما خذين عني

فكرة غلط .. مهيب آن اللي ينخش عن اخوانه

محمد : انت يا عبد الرحمن الحين موضوعك شنهو اشعندك

عبد الله : اشعنده بعد ما عنده الا الخير

محمد : انت ياخوي على ويهك .. ولا تدري عن شي مولية تقدرتون اتسمونه

عبد الرحمن : الحقيقة اهوه ما يعتبر موضوع

تقدرتون اتسمونه امو يضيع

امو يضيع

امو يضيع قوله وخلصنا .. ترانا إحنا

مهيب فاضين " والمثل يقول تغدا وتمدا " وعقب هذي

الأكلة الدسمة .. وينك يالفراش

عبد الله : عيل يوم المسألة فيها موضوع والموضوع بير

موضوع هذي يلسه

محمد : (يجلس) اتفضل قول موضوعك

عبد الرحمن : موضوعنا عن الخرابه عن بيت ابونا صالح

محمد : عودنا على موضوع الخرابه بيه موضوع الخرابه

انتبهينا منه من زمان

عبد الله : أي نعم موضوع بيتنا العود خلصنا منه .. عندك

موضوع غيره

عبد الرحمن : الموضوع ما خلصنا منه بالمعنى الصحيح احنا توقفنا عن النقاش فيه
لأنا مع الأسف ما توصلنا

محمد : وما راح نتوصل إلى حل .. ياالله يا عبد الله خلنا نمشي

إلى حل مرضي

من رخصتك يا اللخو

عبد الرحمن : هذا آخر كلام عندكم

عبد الله واشتبقينا انسوي قلنا لك يا اخي البيت مسكون

.. تسكنه ام اغنان .. وياويل اللي بيتقرب منه

واحنا مهيب مستعدين انودي روحنا في داهية وانضر

انفوسنا و اعيالنا على شانه افلوس والا اشوية بهنسه

عبد الرحمن : يترأوا لكم أن البيت مسكون .. البيت لا فيه ام اغنان ولا ام احمار

هذي كلها تهيات .. ومن نسج

الخيال والخوف

عبد الله : الحين تبقينا انكذب الناس .. اللي افهم منا ومنك محمد وانصدقك بيه هذي

البيت مسكون وأي تعديل أو تخريب فيه فيه مضرة لنا .. وأولنا انت افهم يا أخي :

الحين مادام انفتح الموضوع .. خلنا نسمع منه واش يبقي ايقول اتفضل قول تكلم ..

وبسرعة لو سمحت واحنا ما اجتمعنا اليوم الا على شان انتفاكر

عبد الرحمن : عليك نور هذا الكلام العدل وعلى قولتكم

قال دعونا انهوش قال دعونا انتفاكر

محمد : اتفضل قول واشعندك

عبد الرحمن : استريحوا واشربوا لكم شي بارد وإلا شي حار ..

سعيد : ايوا يابيه (يد خل)

علشان نقدر انتفاهم .. يا سعيد سعيد

عبد الرحمن : هذيه سعيد ادر يولي الجديد .. وفي نفس الوقت

يساعد في المجلس واياشر لضيوف

عبدالله: انا هذي التخمّة مادري وين شايفها

سعيد: يعني ايه يا بيه

: هما دول أخواتك سعيد انا اول مرة اشوفهم

عبد الرحمن : شوف اخواني واش يشربون

محمد : اتفضل حتى ادريولك ما يدري كان احنا اخوانك

والا ربعك

عبد الله : تذكرت مهب انت ولد بواب العمارة اللي سكنا فيها

ذيك السنه

سعيد : ايوا يابيه انا سعيد ابن سامح بواب العمارة

عبد الرحمن المهم واش تشربون بارد والا حار

سعيد : تشربوا ايه يا بهوات

عبد الله : هات لنا شاي .. على الأقل انهضم الأكل اللي كلناه

سعيد : اعمل لكم كركديه

محمد : شنهو

سعيد : كركديه دا اكويس وبيهدي الأعصاب

عبد الله : ومن قالك ان أعصابنا متوترة بيه احنا أعصابنا

هاديه روح هات لنا شاي وخل عنك البر بره

سعيد : يعني ايه يابيه بربرة

عبد الرحمن : روح هات لنا شاي وبسرعة

عبد الله : وصلحوا

محمد : يعني شنهو

عبد الله : مادري اسمعهم كذيه ايقولون قلت مثلهم

عبد الرحمن : شاي يا محمد وإلا عصير

محمد : يا أخي خلصنا شاي عصير قهوة أي شي

عبد الرحمن : ليش انت كذيه نفسك في راس خشمك اعنبرو

غيرك كبريت ما انقول شي الا نفت علينا .. ورا احنا اصغرا عيالك ياخي احترمنا
مثل ما نحترمك

عبد الله : صلوا على النبي وذكروا الله عبد الرحمن : ما تسمعه شيقول

محمد : يالله يا عبد الله خلنا نمشي هذيه الريال ناوي علينا بنيه انا ما اقدر ارد عليك
لأنني في بيتك

عبد الله : وسع بالك ياخوي ٠٠ راح الكثير وما بقى الا القليل عبد الرحمن : وانت
لين الحين واقف

سعيد : ارسولكم على بر اجيب شاي والا عصير والا
قهوة

محمد : ما نبقي شي مش عايزين حاجه يالله فارح

عبد الرحمن : خلاص يا سعيد خل كل حاجه لين بعدين

سعيد: حاضر

عبد الله: وسع بالك يا ابو جاسم ٠٠ ترا كلام اخوك في محله
ووساعة البال زينة .. وسامحني كاني غلطت عليكعني شنهو

محمد : تسمح تدخل في الموضوع تراك ذبحتنا

عبد الرحمن : قلت لكم الموضوع عن الخرابه

محمد : رد على الخرابه .. ايه عاد الخرابه وش فيها

عبد الرحمن : الخرابه ياايها شرابي

عبد الله : شنهو

محمد ايقول لك الخرابه يايتها شراري

عبد الله : ومنهوا هذيه المينون اللي بيشتري خرابه .. ليش من قلة لبيوت .. والا
الأراضي حتى يشتري خرابه

عبد الرحمن : الخرابه موقعها ممتاز وتصلح حق اكثر من مشروع علشان كذيه
التجار والشركات تتمناها وبالسعر اللي نطلبه

محمد : ايه بس منهوا هذيه اللي بيشتريها

عبد الرحمن : أي واحد فينا يقدر يشتريها .. آن با اشتريها

عبد الله : انت

محمد : شفت اشلون .. ما قلت لك ان الذيب ما ايهول عبث

عبد الله : بس انت تدري ان الخرابه مهب لنا ابروحنا .. الخرابه هذي مشتركين
فيها ناس غيرنا

عبد الرحمن : مثل منهوا

محمد: ما تدري يعني .. والا اتسوي روحك ما تدري

عبد الرحمن : احنا الأصل والباقيين هوامش عبد الله انويصر ولد عمك وسعيدة ..
وباقى الجماعة محمد : هذيه اللي انعرفهم .. واللي ما انعرفهم أكثر .. باكر لين
دروا إن الخرابه بتنباع .. بيظهر لك بدل الواحد عشرة

عبد الرحمن : حشى هذي مهب خرابه .. هذي فريج عبد الله : يدنا صالح الله
يرحمه كان ابو الفريج و خدامه وايد وكلهم لهم حق في الخرابه لانهم عاشوا فيها
وتربوا فيها عبد الرحمن : انا اللي اعرفه ولد عمنا انويصر .. وهذيه إنسان مينون
وسهمه عندي .. وانا بتعب عليه وبسافر

وياه وبا عاجه من افلوسي وافلوسه

محمد : (يضحك)

عبد الرحمن : ليش تضحك

محمد : كلامك عن انويصر ضحكني .. فار وولوه أشحمه انت يا عبد الرحمن
بتتعب عليه وبتعالجه . انت بتقطه

في دار الميانين

عبد الرحمن : الظاهر انك ما تعرفني عدل .. انا ريال التزم
بكلمتي

محمد: اشلون ما أعرفك وانت اخوي .. وهل يخفى القمر
عبد الله : هذا انتوا من استويتوا فار وقطو .. اعنبو غيركم
اهدوا اشوي

عبد الرحمن : المهم اشقلنتوا
عبد الله : اسمع يا عبد الرحمن . يدنا الله يرحمه ملك عبيدنا وقال
كل واحد يملك الدار اللي يسكنها مع حوشها عطية
وهبيه وشهدنا على ذلك

عبد الرحمن : كان شهدك انت لكن انا ما شهدني
عبد الله : شهد ابوي وعمامي وكل اللي كانوا في المجلس
محمد : واشتبقى احسن من هذيه الكلام
والخبر انتشر في وسط الفريج ان صالح بن احمد ملك عبيده في بيته لانهم يعتبرون
مثل اعياله وعزوته

عبد الرحمن : وانت أوافق عليه
محمد : انا عود من طرف حزمة .. وهذي حق .. والحق ما ينسكت عليه
عبد الله : الساكت عن الحق شيطان اخرس .. ولا تنسى إن كاتم الشهادة ملعون
عبد الرحمن : انا متعجب اشلون يدي صالح ايملك عبيده
محمد: كلمة عبيد هذي كانت تنقال في زمن الجاهليه في زمن
التخلف زمان الفقر والشين .. لكن الحين تقدر اتسميهم أهلنا
عبد الرحمن : انتوا ليش تحفرون اشياء مدفونه .. ليش اتخيلون شي لاصار ولا
استوى

عبد الله : اظن انك الحين عرفت الأسباب اللي اتخلينا ما انبيع
ولا انفكر إن احنا انبيع الخرابة

محمد : احنا ودنا انبيع وانفيد ونستفيد لكن مثل ما قالوا ايردك
عبد الله : عندك من الناس اللي انعرفهم اسعيدة بنت مرزوق هذي بعد لها سهم يدها
سالم

من العيش حره

عبد الرحمن : يدها سالم حقه محفوظ مسجد انا لين شريت با ابني له . من حلاله
ودار درى ودار ما درا

محمد : انت

عبد الرحمن : ايه آنا مهب تارس عينك

محمد : ما اظن الا كان بتبني له مسجد فوق احدى

عماراتك

عبد الرحمن : بالعويذ الله من شرك وعن لطنازه .. تراك زودتها

عبد الله : يا جماعة صلوا على النبي .. واذكروا الله

عبد الرحمن : ما تسمعه شيقول

محمد: انا ما قلت شي انا اقول مسألة دار درا ودار ما

عبد الله : كلامك عدل

سعيدة : (تنادي من الخارج) وينكم يا اهل البيت محد

درا هذي ما تمشي الحق حق والا اشرايك يا عبد الله

اهنية

عبد الله : فكك الحين

عبد الرحمن : منهى هذي

محمد : هذي اسعيدة ام مرزوق .. الطيب عند طاريه

عبد الرحمن : ياريتنا طارين افلوس والا ملايين

سعيد : (من الخارج) عايزه ايه ياست انتي

سعيدة : عمك وينه

سعيد : عمي في البلد

سعيدة : اشلون في البلد وسيارته اهني اهوه وخر عني

سعيد : استني ياست ما ايصحش

سعيدة : (تدخل) ما شاء الله العمام كلهم اهنيه اكيد فيه شي

عبد الله : ما فيه الا سلامتك

سعيدة : بشرك الله بالخير بس يمعتمك هذي غريبة

عبد الرحمن : وش الغرابة اللي فيها

سعيدة : انتوا ما تجتمعون الا على شي .. (تذهب إلى

محمد) كلامي صح والا أنا غلطانه

J

١٧

محمد : كلامك صح جمعتنا هذي يام مرزوق عن

الخرابة

سعيدة : (تنفخ في صدرها على خرابة ام اغنان عبد الرحمن : لا اتقولين خرابة ام اغنان ... هذي بيت جدي وعمك صالح

سعيدة : سامحوه سامحوه يا أسياذ سامحيه يا ام اغنان غشيم سامحوه علشانة المرحوم عمي صالح وطوايفه

عبد الرحمن : بسنا من هذي الخرافات اللي لا اتودي ولا أتجيب

سعيدة:ما أتكلم ياعبد الله .. ما أتقول شي يا محمد

عبد الله : كلامها صح

محمد : يا اخي انت ليش مهب امصدق ان هذي الخرابة مسكونه وفيها ساحره اسمها ام اغنان

عبد الرحمن : والله محد مسحور الا انتوا هذي ام اغنان حد فيكم شافها حد فيكم تلاقا معاها حد كلمته والا كلمها

سعيدة : هذي اللي قاصر بعد انكلمها والا اتكلمنا انت

ينيت

عبد الرحمن : احفظي أدبك يا مرة

وشوفي من أتكلمين

عبد الله: ليش يا اخي زعلان .. كلامها صح

الخرابه هذيفال شؤم هذي الموضوع لازم ننساه

عبد الرحمن : ننسى حلالنا

عبد الله : المثل ايقول ابعد عن الشر وغني له

محمد : والمثل الشعبي ايقول .. واشلك بالبحر واهو اله

ورزق الله على السيف

عبد الرحمن : بس هذا اللي عندكم كل واحد ايجيب لي مثل هاتوا حل مهيب أمثال

عبد الله : الحل إن شيل هذي الخرابة خله يجي من غيرنا ولا

يجي منا

عبد الرحمن : قصدك يعني من الحكومة

عبد الله : الحكومة اهيا السلطان .. والشياطين ما تقدر عليهم ألا السلاطين

عبد الرحمن : يا حبيبي تثمين الحكومة ما يجيب شي هذاك لول لين ثمنت الحكومة
تعطي هيل بلا كيل

الحين تثمين الحكومة ما ايجيب شي عاد احنا اللي بنقولة انعيدة ما اتفهم اخوك

محمد : اذا ما ادفعت لنا الحكومة اللي ما يرضينا ما انوافق

عبد الرحمن : مهيب على كيفك على كيف اللجنة .. اللي

اتقوله اللجنة اهوه اللي يمشيعليك .. ومثل ما قالوا اذا غريمك القاضي من اتقاضي

وبتوافق غصب

سعيدة : اسمع يا عبد الرحمن احنا وما نملاك ملك للحكومة .. وإذا كانت الحكومة
تبقي الخرابة بتا خذها بما يرضي الله .. وما أظن إنها بتظلمنا .. شتقولون يا عمام

محمد : كلام اسعيدة صحيح

عبد الله : ولا تنسون إن الخرابه مسكونة .. وامسيطرين عليها ناس أقوا منا ومنك

عبد الرحمن : ما اخبرك جبان وخواف

عبد الله : الخوف نص المريله

عبد الرحمن : وليس تاخذ نص المريله .. ليش ما تاخذ المريله كلها .. يا جماعة ..
يا اخواني انتو خلوا كل شي في يدي وما لكم لا طيبة خاطر وكل واحد فيكم
بيوصله حقه بالوفا والتمام

سعيدة : حقنا كلنا

عبد الرحمن : انتي مالك حق

سعيدة : مسكين انت لأنك ما تدري ولو يدري

اعمير طر جيبه يكون في علمك إن هذي الخرابه من دوني أن ما تقدرن اتبيعونها
ولا أتحركون حصاه منهاالله

عبد الله :وسعي بالك يا ام مرزوق

حقك محفوظ

سعيدة: اشعر بالكم أن امدمة .. وإلا اشقق خلا قيني .

. لا يبه أن اسمع واشوف .. ويمعتكم هذي فيها خيانة . والله اللي اسجدولة المسلمين
لوتحركت هذي الخرابه من محلها لا انتشوفون شي تكرهه انفسكم

عبد الرحمن : هذيه تهديد مهيب كذيه

سعيدة : سمه مثل ما بتسميه .. تهديد .. تحذير على كيفك

محمد : يا سلام عليك يا ام مرزوق

عبد الرحمن : انتو معاها وإلا معاي

عبد الله : احنا مع الحق

عبد الرحمن : واللي اتقوله هذي الخبله اتسمونه حق

محمد : بصريح العبارة انا واخوي مهيب موافقين

على البيع .. ومن رخصتك

عبد الرحمن : بتروحون قبل لا انتفاهم ونتفق

عبد الله : اذا تبقينا انتفاهم .. اجمع كل لطراف وكل اللي لهم حق في الخرابه وهذيك
الساعة مثل ما ايقولون عذرها منها

محمد : والاجتماع يكون اهنالك في الخرابه .. في مكان الحدث

عبد الله : لا .. في الخرابة أن ما اروح
 سعيدة : ولا أن .. كيف انا ما تبريت من عمري .. أروح
 بريلي خرابة فيها ام اغنان
 محمد: ولا تنسون إن اهنأك ولد عمنا انويصر مينون
 وامصرقع . . ويمكن ايسوي لنا مصيبة لو اجتمعنا في مكان ثاني
 سعيدة : انكان على لصبي خلوه علي أنا .. هذيه ما منه خوف
 انا خايف من اللي عبد الله : وانا كذلك مهيب خايف من لصبي ورا لصبي .. من ام
 اغنان
 عبد الرحمن: ارسولكم على بر وخلصونا
 سعيدة : لصبي مسحور ساحرته وكل الناس تعرف منه اللي
 عبد الله : ندري ان اللي ساحرته ام اغنان .. اعوذ بالله .. اعوذ بالله
 سعيدة : علشان كذيه لازم انطق عليه زار علشان يتكلم اللي فيه وينطق .. وعقبها
 يجي دور لصبي و انشوفه اموافق والا لا
 عبد الرحمن : اشلون يعني ايجي دور لصبي وانشوفة اموافق والا لا .. اشلون ..
 ها .. اشلون " بعصبية "
 سعيدة : بل العدا على روحك .. بل العدا
 عبد الرحمن : لصبي مينون وامسبه وامخدي .. واللي مثله ماله شور ولا راي
 سعيدة: لصبي جزاه من جزاكم .. ولا تنسون انه يتكلم عن
 نصيب ابوه .. والا نويتوا اطلعونه ملص
 عبد الرحمن : انا اقول اللي مثله ما ينوخذ برايه
 سعيدة : عيل في الحاله هذي شورة عند القاضي .. والقاضي
 عبد الله : القاضي وصي عليه واحنا عمامة حيين وموجودين
 محمد : يا جماعة انتوا ليش امطولينها واهيا قصيرة مثلما
 بيكون وصي عليه
 قالت ام مرزوق عقب ما ناخذ منطوق اللي في راسه
 ناخذ منطوقة ونفتك

عبد الرحمن : انا ادري انتو تبقون أتسوون لي معجزة لكن انا
 ما ايهمني الخرابة الخرابة ومهب اتسوون زار لو اتسوون ابو الزار و انشاء الله
 اتحضر ام اغنان وويها ملك الجن و الجان
 سعيدة : سامحوه سامحوه يا أسياذ سامحيه يا ام اغنان محمد واشحقة اتسامحه اللا
 اخذي حقك منه لأن اهوه الرأس المدبر اهوه من شار علينا
 عبد الله : انتي الحين من صجك بتسوين له جلسة زار ودققة
 سعيدة : أي نعم .. لصبي ياجماعة السانه مربوط .. ولين تكلم
 اللي فية و عرفنا منطوقة هذيك الساعة نقدر ناخذ ونعطى
 معاه انا كلامي فيه غلط
 محمد: صح الله السانك

عبد الله : على كل حال انتي الحين دشني داخل عند ام صالح ...
 واحنا بتشاور وانشاء الله ما يصير الا الخير .. ولا يسير
 خاطرك الا طيب
 سعيدة : طيب الله أيامك إيه هذا الكلام العدل هذا الكلام
 الموزون
 عبد الرحمن : واحنا خلاص كل الكلام اللي قلناه راح هوا .. ياتنا هذي الملسونه
 وخذتنا بشراع وميداف وسكتتنا
 عبد الله : شوف يا عبد الرحمن ترا احنا قبل ما انصفي النية
 وننصف الجميع .. ماراح نتوصل إلى حل ولا اتفاق
 وبنتم هشكل

عبد الرحمن : يشهد الله من طرفي انا نيتي سليمة وصافيه وودي الموضوع ينتهي
 على خير انا يا جماعة خايف باكر الحكومة اتحط يدها على البيت بحجة اتسويه
 متحف وإلا أترممه وتاخذه بدقة رزق بالسعر اللي اهايا اتحطة ليش انتو ما تفهمون
 محمد : الحكومة ما تظلم

عبد الرحمن : انا معاك إن الحكومة ما تظلم .. لكن الحكومة

حاطه حق كل منطقة سعر

وهذي الأسعار قديمة

أسعار لول مهيب أسعار الحين الحين كل شي غلا كل

شي ارتفع .. انا في السوق وادرا منكم .. صدقوني

محمد : لي ها الدرجة المسألة خطره

عبد الرحمن : انتو ما سمعتوا عن المنفعة العامة

الجميع لا :

عبد الرحمن : المنفعة العامة هذي سلاح ذو حدين .. ما تقدر

عبد الله ولا نقدر : احنا ثلاثتنا ما نقدر انبيع الخرابة

محمد : أي نعم . هذا الكلام العدل .. ولا نبقي على آخر عمرنا نظلم حد

اطبق عليه بيدك لأنه اذا ما جرح أصابعك جرح

راحت يدك

انسوي شي الا بحضور الكل .. ايه .. هذا شي في الذمه

عبد الرحمن : وأنا ما عندي مانع بس في وين نجتمع مع كل هذي لطراف

الجميع : في الخرابة

عبد الرحمن : ما شاء الله عليكم كلكم على السان واحد

عبد الله: وعلى قلب واحد

عبد الرحمن : انشاء الله انكون كلنا على قلب واحد

محمد : يا سلام .. ما دام أتعرف هذا الكلام وأتمناه ليش ما

اطبقة:يبه لفلوس مهيب كل شي لفلوس سموها

لولين وصخ دنيا لفلوس اهيا الدنيا لكن مع الأسف في ناس تفنكر

عبد الرحمن : فضفض .. قول اللي في قلبك

محمد : انا اللي في قلبي على الساني

عبد الرحمن : خلونا انشوف راي اسعيدة .. ما يندرا يمكن عندها
محمد : لا ثاني ولا ثالث .. الخرابة اهيا احسن مكان حق الطقطقة علشان اتحضر
كل الينانوه ونا خذ منطوقهم

محمد : الله .. الحين انا ابقيك عون اتسير لي فرعون
راي ثاني

عبد الله : اعوذ بالله من كلامك .. كلامك دفش مثلك
: مسألة اسعيدة خلوها علي انا .. انا باكلهما و با اتفق عبد الله
معاها .. والحين بعد ما اتفقنا وتصافت لقلوب شو فولنا
موعد وخلونا على اتصال

عبد الرحمن : بدون شك بيكون بينا اتصال علشان انحدد لنا موعد في اقرب وقت
محمد : عيل يالله يا عبد الله من رخصتك يالحو عبد الرحمن : حياكم الله
عبد الله

: مع السلامة (يخرج الإخوان)
عبد الرحمن : مع السلامة

بل بطو راسي .. وارفعوا ضغطي
وانشطح بلعومي ٠٠ ما يسوى علي

مريم : (تدخل) الحين يوم تمثلتوا من اسعيدة هديتوها
علي وانا ابقي ارقد

عبد الرحمن : هذيه اخوي عبد الله اهوه اللي قال لها دشى داخل بل بل السانها
ايلوط اذانها عسى اذلفت

مريم : لا ما اذلفت اكيه قاعدة اتغدا دخل

عبد الرحمن : صج إنها عن عشرة ريال .. ياتنا وطيتنا طي
مريم : وانتوا اعنبو غيركم مهب اجتماع هذي اللي من
الضحى لين العصر اجتماع القمة ساعة وانتو خمس ساعات
عبد الرحمن : عورو راسي وارفعوا ضغطي

مريم : انت اللي ما اعطهم راس والا اهيا كلمتين ايه ايه والا لا لا
عبد الرحمن : كلمتين الله ايهذاك .. ما تم كلام ما قلناه وبعد لين الحين ما توصلنا
إلى حل

مريم : اكيد في حد منهم امعصلق معاك
عبد الرحمن : الاثنين أصلا ما كانوا متفاهمين واحد منهم
خواف على قولته من ام اغنان والثاني طماع
مريم : وأنت الله قطك بين خواف وطماع
عبد الرحمن : الطماع أمره هين انكبر له اللقمة وبيسكت
لكن الخواف شاسوي معاه

مريم : ومنهو فيهم الطماع ومنه فيهم الخواف
عبد الرحمن : الطماع اخوي محمد ومحمد هذيه راعي مصلحة
لقمة عودة انحطها في حلجه اتسكته .. لكن الخواف
اشلون انتغلب عليه

مريم : قصدك اخوك العود عبد الله
عبد الرحمن : ما غيره هالانسان مرة خايف على روحة ومرة خايف على اعياله
ومرة خايف على بيته .. ومن شنهو .. من اوهام وظنون ما لها اصل ولافصل
مريم : ايه عاد واشمنه خايف

عبد الرحمن : قلت لك خايف من شي اسمه ام اغنان
مريم : ايه انا قايلين لي عنها .. ايقولون ساحره وتاكل قلب الي اتشوفه .. تبقي
الصراحة يا بو صالح ام اغنان بسم الله الرحمن الرحيم حتى ينبي كش اتخوف
عبد الرحمن : ناس جهلاء اعقولهم متخلفة صحيح الحكاية
الشعبية توصف لنا ام اغنان بالمرّة الساحرة .. الجبارة اللي اتعيش في الخرايب ..
لكن هذاك لول ولول تحول

مريم : يعني الي سمهنه مهيب صحيح
عبد الرحمن : لول كانوا ايقوفونا من ام اغنان علشان ما انروح
نلعب في الخرايب .. لكن الجماعة سووها صج واهيا لحد شافها ولا أحد كلمها

مريم : انا صراحة بديت اخاف منها

عبد الرحمن : من ام اغنان

مريم : ام اغنان

سعيدة : " تدخل " لا تطرونها لا تطرونها ترى تظهر لكم

عبد الرحمن : بسم الله الرحمن الرحيم .. وانتى لين الحين ما

رحتى بيتك

سعيدة : تطردني من بيتك يا عبد الرحمن .. تطرد اختك

مريم : لا يا سعيدة اهوه ما يقصد الحقيقة انا اللي ما

خليتها اتروح قبل ما تأكل لها لقمه من غدانا

سعيدة : يعلك تسلمين يا ام صالح .. أصيلة ظاهرة على امك وابوك

انتى اظهري منها وهيا تعمّر عبد الرحمن : سمعي يا اسعيدة

سعيدة : وانتازل عن حقي مهّب كذيه

عبد الرحمن : حقك وحقك كل اللي لك حجرة وليوان .. لين بعنا البيت بتاخدين
ثمنهم

سعيدة : لا أتصير مينون واتشور على إخوانك ابييعون

الخرابة .. ترا بتصيدكم حوباتها .. وحياتك هذي

بتغير ويمكن صحتك اتغير

مريم : من صجك انتى الحين

سعيدة : انا خايفة عليكم ولفلوس تراها وصخ دنيا .. و

الصحة ما تنشرا بالمال ولا بالفلوس

مريم : اسمع كلام اسعيدة يا عبد الرحمن وخل الخرابة

عناك اتولي

هذي عبد الرحمن : ها الا اشوفها اثرت عليك وصدقتى كلامها كلامها كلة اخرطي
وماله أساس

مريم : انا صراحة هذا رأيي

عبد الرحمن : اسمحي لي أقولك ان رأيك هذيه رأي ناس متخلفين
خوافين جنباء لالا مهيب انتي مريم اللي اعرفها مريم المتعلمة الفاهمة
سعيدة : هذيه مالة خص ولا دخل في العلم ولا في الفهامة
هذيه شي معروف عند كل الناس .. خرابة يدنا صالح مسكونه وفيها ام اغنان وانتوا
تدرون بها السالفه وعلى هواكم
عبد الرحمن : ما اتقولون ان ولد عمنا ساكن فيها
سعيدة : ولد عمنا مهيب ساكن فيها .. ولد عمنا متعلق فيها
.. ولد عمنا اذا يوم واحد ما ايزورها يعتففس ينقلب حدر فوق
مريم : يعني مسكون .. لا حول الله
عبد الرحمن : ولد عمنا خصصت له ولا مثاله الحكومة مكان نظيف
ومرتب وامأمن
وناس تخدم فيه ليل نهار
سعيدة : قصدك دار الميانين
الحين اسمها عبد الرحمن : هذاك لول ايسمونها دار الميانين
العيادة النفسية وفيها لصغير ولكبير من مرة ومن ريال
سعيدة : لكن كل اللي فيها ميانين
عبد الرحمن : وانت اشدخلك يا أيها الناس عليكم بأنفسكم
مريم الحين اسمها العيادة : كلام عبد الرحمن صحيح
النفسية
سعيدة : وأنا ليش اعور رأسي معاكم المثل ايقول اللي في الجدر يظهره الملاس ..
مع السلامة (تخرج)
عبد الرحمن : حياك الله
مريم : قولي حق الدريول خل أيوصلك يا ام مرزوق
عبد الرحمن : الدريول الحين تلقينه راقد ... والله محد امكبر راسها الا انتي
مريم : لا تنسى انها نافعتنا

عبد الرحمن : بس السانها ايلوط آذانها
 السانها متبري منها
 مريم : على قدها .. اهيا عز بالها إن اللي اتسويه صح
 عبد الرحمن : لا وتبقي اتسوي حق تصور في الخرابه جلسة زار
 مريم : عيل يوم كذيه با جي آ تطمش
 طمبورة مادري مدينو .. مادري اطبول
 عبد الرحمن : من صجك انتي الحين
 مريم : ايه من صجي .. انا وحدة ادور الوناسه .. ومدام
 المسألة فيها اطبول وهذي فرصة ما اتفوت لا بالله باجي وكنه العيد
 عبد الرحمن : على هواك
 سعيد : يا سعادة ألبيه .. يا سعادة ألبيه
 عبد الرحمن : خير ياسعيد فيه ايه
 : الوليه سعيدة يابيه سعيد
 مريم : واشفيها سعيدة
 سعيد : سعيدة بطحت السواق الهندي .. وفتحت دماقة
 عبد الرحمن ومريم : اشلون .. اتسويها ام مرزوق .. يخرج الجميع

ستاره

الفصل الثاني

اجتماع في الخرابة .. تدخل سعيدة وهي متنكرة في شكل ام اغنان
 ثم ترفع القناع وتكلم الجمهور بيع سعيدة : هذي الخرابة ما راح تنباع وراسي ايشم
 الهوا هذي الخرابة خسارة خسارة كبيرة لنا وللي بناها ووجودها احسن من الفلوس
 ومثلما قالوا الصيت ولا الغنى .. خرابة صالح بن احمد اللي ذكرها على كل السان
 .. واللي ما يقدر يدخلها ولد مرة تنهدم تنهدم على راسي .. وأنا لهم .. هو هو انا ام
 اغنان ام الجان هو هو

ناصر : ام مرزوق

سعيدة : بعد هلي بعد طوايفي

ناصر : صج يا ام مرزوق بتهدمون الخرابة

سعيدة : وانت من قال لك

ناصر : قالولي

سعيدة : ايه عاد من قال لك

ناصر : قالولي ٠٠ اهي اهي .. قالولي

سعيدة : اكيد قالوله اللي فية سامحوني .. سامحوني ..

الفصل الثاني

اجتماع في الخرابة .. تدخل سعيدة وهي متنكرة في شكل ام اغنان

ثم ترفع القناع وتكلم الجمهور بيع سعيدة : هذي الخرابة ما راح تنباع وراسي ايشم
الهوا هذي الخرابة خسارة كبيرة لنا وللي بناها ووجودها احسن من الفلوس
ومثلما قالوا الصيت ولا الغنى .. خرابة صالح بن احمد اللي ذكرها على كل السان
.. والللي ما يقدر يدخلها ولد مرة تنهدم تنهدم على راسي .. وأنا لهم .. هو هو انا ام
اغنان ام الجان هو هو

ناصر : ام مرزوق

سعيدة : بعد هلي بعد طوايفي

ناصر : صج يا ام مرزوق بتهدمون الخرابة

سعيدة : وانت من قال لك

ناصر : قالولي

سعيدة : ايه عاد من قال لك

ناصر : قالولي ٠٠ اهي اهي .. قالولي

سعيدة : اكيد قالوله اللي فية سامحوني .. سامحوني ..

ناصر : لا انا قالولي الربع

سعيدة : وانت تبقى ايبيعون الخرابة وإلا اخلونها

ناصر : انا ابقى اخلونها .. اهي اهي

اهيه اهي ناصر : لا بيبيعونها .. انا ربعي قالولي

سعيدة : ولا ايهمك لك علي إن هذي الخرابة ما تنباع

سعيدة : وأنا قلت لك إن هذي الخرابة ما انتباع

ناصر : وهذيه شنهو اللي عندك اهية اهية

سعيدة : هذيه اللي بيخليهم يتراجعون عن بيع الخرابة

ناصر : بس هذيه اخوف

سعيدة : الا انت انت الوحيد اللي ما ابقيك اتخاف .. انت

الوحيد اللي ابقيك اتسايسني واتهديني وتوعدني إن الخرابة ما تنباع ولا بتنهدم

ناصر: اشلون

سعيدة : شوف انا باجيب فرقة طمبورة .. ولين طقت الفرقة انت بدش وبترقص معاهم

ناصر : ارقص من معاه

سعيدة : ترقص مع اللي يرقصون .. وعقب اتسوي روحك

كنك مستنزل واطيح .. ولين ياووك وقالوك تكلم هذيك

الساعة انا اللي باتكلم بالنيابه عنك .. فهمت

ناصر : وانت اشرتقولين

سعيدة : باقول خلاص .. الخرابة محد يقدر يبيعهها .. شتقول

ناصر : واذا انا ما وافقت ولا استنزلت شيصير

سعيدة في هذي الحالة الخرابه بتتباع وبتنهدم و اذا انهدمت هذي الخرابة انت
الخسران الوحيد بيرد عليك المرض اللي انت خابره و بتستوي مريض وايردون
يكوونك وايغربلونك

ناصر : لا .. يكونني .. لا لا انا ما احب الكي

سعيدة عيل لا زم اتسوي اللي قتللك وتحمل تغلط وتطري اسمي .. سو روحك ما
اتعرفني وما اتعرف الا ام اغنان

الساحرة

ناصر : ليش اهنا ايعرفونك

سعيدة : اهنا ايعرفوني ام مرزوق .. لكن ام اغنان ما ايعرفوني انا منهو

ناصر : انتي ام اغنان هيه هيه ام اغنان ام اغنان اخيرا باشوف
ام اغنان

سعيدة : الله يستر الله يستر ولا يفضحنا ها المينون وايضيع كل اللي سويته (تخرج
(

عبد الله : (يدخل) سموا بسم الله يا جماعة بسم الله الرحمن الرحيم

محمد : بسم الله الرحمن الرحيم .. (يكلم عبد الرحمن) وانت ليش ما اتسمي مهب
خايف وإلا غارتك افلوسك عبد الرحمن أولا انا مهب جبان مثلكم .. وثانيا انا والله
الحمد الساني رطب من ذكر الله واسم الله ما يقال في هذي المحلات هذي المحلات
ينقال فيها اللهم اذهب عنا الخبث والخبائث

عبد الله : ليش انت داش حمام والا مختلا

محمد : والا أدب

عبد الرحمن : هذيه المكان مهب نظيف هذيه المكان اتعيش فيه لكلااب والقطاوة ..
وأبي واحد محصور ايدش فيه وايريح نفسه علشان كذيه مهب من المفروض نذكر
اسم الله واحنا داشين ..

تعلموا افهموا

محمد: اشوف الريال قام ايفهمنا اشقالولك يعني احنا مهب

فاهمين

عبد الله : يبقي يبيري نفسه يبيري فعلتة

عبد الرحمن : ابري نفسي ابري فعلتي .. المهم هذا احنا وصلنا

وين البقايا .. وبينهم اصحاب القرار

عبد الرحمن : انزين والباقيين وينهم .. صدقوني يا أخواني ترا مافيه وقت اذا احنا
ما تلاحقنا روحنا وشفنا لنا دبره في بيع هذي الخرابة بتاخذا الحكومة عنا اشكرة
عينك عينك وبدقة رزق

محمد : وانت ليش مستعجل

عبد الرحمن: علشان مصلحتكم

عبد الله : لكن انت ما قلت لنا كم أوصلت هذي الخرابة .. ترى مهب اصغيرة
شوفها كنها مطرد خيل

عبد الرحمن : انتوا خليتوني اقول شي .. خليتوني اكمل كلامي
خذتوني بشراع وميداف .. صكيتوا علي صكه
محمد : انا مهيب خابرك ياخوي اتحب لفلوس
عبد الله : وفي حد ياخوك ما ايحب لفلوس الله سبحانه
وتعالى جدم لفلوس على البنون زينة الحياة الدنيا وقال المال والبنون
عبد الرحمن : خلونا في موضوعنا احسن
عبد الله : اتفضل
عبد الرحمن : هذي الخرابة اللي مستهينين فيها واصلة عشرة
ملايين

محمد : الله عشرة ملايين
عبد الرحمن : أي نعم عشرة ملايين
عبد الله : كم لك يعني
عبد الرحمن : أي لك أقول لك عشرة ملايين اتقولي كم لك
عبد الله : إيه كم يعني
محمد : الريال ما يعرف يحسب لفلوس الا بالك
عبد الرحمن : المليون يا الحبيب يعادل عشر الكوك يعني
عشرة ملايين تستوى امية لك وانت عليك لحساب
محمد : يعني معقول سعر السوق اكثر من سعر الحكومة
عبد الرحمن : هذاك أول الناس تفرح بتسعيرة الحكومة .. تفرح
بالقص والتثمين .. لكن الحين انقلبت الآية الحين
اظهرت شركات تشتري وتدفع أكثر من الحكومة
عبد الله : مهيب معقول
عبد الرحمن : معقول ونص
محمد : إذا كان المسألة مثل ما قلت لا والله الزود يتبع
الزود

عبد الرحمن : وانت اشرايك يا عبد الله
عبد الله : انا عود من طرف حزمة .. واللي بيوافقون عليه
الجماعة انا موافق عليه
عبد الرحمن : ايه عاد وينهم هذيله الجماعة اللي اتحكي عنهم .. انا ماشوف في
هذي الخرابه الا اشباح وينانوه
عبد الله : الجماعة لازم بيجون
عبد الرحمن : ايه عاد امته
محمد : امته عاد العلم عند الله
عبد الرحمن : انت بلغتهم
عبد الله : اكيد الخبر وصلهم
عبد الرحمن : انشاء الله عن طريق سعيدة
سعيدة : (تدخل) نعم حد ناداني
عبد الله : بسم الله الرحمن الرحيم انتي ام اغنان واحنا ما ندري من وين ظهرت لينا
ليكون
سعيدة : كان زين .. كان زين انا ام اغنان .. كان سحبت قلب اللي في بالي وخليته
امسبه
عبد الرحمن : احترمي نفسك وعن التنغز .. أنا عارف إن المقصود اهو انا
سعيدة : اللي على راسة بطحة يتحسسها
محمد : اشوي اشوي يا أم مرزوق .. ترا عبد الرحمن اخونا ومنا وفينا
سعيدة : اخوكم صحيح لكن مهيب مثلكم الله خلق وفرق
عبد الله : المهم انه اخونا والظفر ما يظهر من اللحم عبد الرحمن : خلصينا يا أم
مرزوق ونادي لينا انو يصر
سعيدة : مهيب انا اللي باناديلكم انويصر .. اللي في راسه
والي فية هما اللي بينادونه
عبد الرحمن : اشلون

سعيدة : لا تستعجل على رزقك .. لين اسمعوا الغاني واستطربوا بينزلون ..
اتفضلوا ياجماعة " تدخل الفرقة " وتغني ويدخل ناصر ويرقص عبد الرحمن :
بعد انتهاء الوصلة " الحين نقدر نسأله

سعيدة : مهب انت اللي تسأله .. راعي العدة اهوه اللي يسأله .. اتفضل يا امبارك
شوف شغللك

راعي العدة : من انت وشسمك .. اقول لك من انت وشسمك تحكى .. انطق من انت
وشسمك

ناصر : يتمتم

راعي العدة : ما اسمعك .. من انت وشسمك ناصر قادري .. قادري
راعي العدة : كنه يقول قادري .. طقوله قادري " الفرقة تقدم لون فن القادري
سعيدة : " تدخل بعد أن شالها الطرب "

محمد: يودو المرة لا تستنزل علينا عبد الرحمن : " يأمر زوجته بارجاع سعيدة "
روحي ها تيتها يا ام صالح ما نبقي فضايح

مريم : " تدخل وترقص مع اسعيدة " بعدها تخرج سعيدة
عبد الله : الحين اكملت

راعي العدة : انطق .. تكلم .. اهرج .. بولو .. بقو .. اسبيك
ناصر : يتمتم

راعي العدة : وقفوا .. شسمك

ناصر وا ماه .. وا ماه (صوت سعيدة ولكن من بعيد)

راعي العدة : يقول اللي فيه اسمه .. وا ماه

عبد الله : وا ماه هذيه اسم مرة .. ليكون اللي فيه نصرانيه

محمد : جايز يا بوسعد .. في هذا الزمن كلشي جايز

عبد الله : ليكون هذي اللي اتحاكينا اهيا ام اغنان " يكلم محمد "

عبد الرحمن: خلونا نسمع ياجماعة

راعي العدة : شنهي طلباتك يا وا ماه

ناصر : الخرابه .. الخرابه

راعي العدة : الجماعة يبيعون يبيعون الخرابه .. شتقولين

ناصر: " يقف ويفزع الجميع " لا لا الخرابه لالا

عبد الرحمن : " يكلم اخوانه " عاد احنا اشعلينا منها .. بنبيع ولا

في اذنا قطرة ماي .. شتقولون

عبد الله : اسكت ياربلا لا اتودينا في داهيه

عبد الرحمن: قول لها بنبيع هذي الخرابه .. وبنشتري لها خرابه

غيرها .. وبنكتبها باسمها .. وا ماه بنت ام وا ماه

راعي العدة : يقولون بيبيعون الخرابه وبيشترون لك خرابه غيرها

ناصر : لا لا لا .. يخرج

محمد : والله عفيصة

عبد الرحمن : هذيه كله من اشواركم الزينه

مريم : انا عقب اللي شفته مالي قعدة مولية .. من رخصتكم

عبد الرحمن : مع السلامة .. خلي اسعيد ابوصلك

سعيدة: " تدخل " ها عساكم اقتنعتوا الحين

عبد الرحمن : الحين كملي احسانك ونا دي لنا ناصر الصجي

محمد : وشنهو السؤال اللي بتساله بعد

مهب وا ماه حتى نسأله

عبد الله : اسكت يا محمد وخل اسعيدة مع عبد الرحمن

يتفاهمون

سعيدة : خلونا نسمع السؤال

عبد الرحمن : السؤال يا اسعيدة يا ام مرزوق .. باقول له احنا

بنبيع .. " يلتفت الى اخوانه " يمكن ايوافق ونفتك اشرايكم

سعيدة : احنا منهم

عبد الرحمن احنا .. أنا واخواني وانتي وانويصر

سعيدة : وكلام التابعه اللي فيه

عبد الرحمن احنا ما علينا من التابعه اللي فيه احنا نبقي نسمعه

سعيدة : وبنا خذون كلامه

اهوه نبقي نسمع منطوق السانه

عبد الرحمن احنا تغريبا متفقين ولا باقي الا اهوه

سعيدة : ها يا عبد الله وانت يا محمد ليكون طبختوها عبد الله رد عليها ياخو

محمد : المثل ايقول عصفور في اليد ولا عشرة فوق الشجرة

سعيدة : عيل يوم كذيه أنادي لكم انويصر وانتوا وحظكم

عبد الله : اعود بالله من غضب الله .. تعوذوا من الشيطان يا جماعة

محمد : اعود بالله من الشيطان الرجيم

عبد الرحمن : لا انتوا مهب صاحين يوم انكم خوافين وجبناء

ليش صممتوا ا يكون لاجتماع في الخرابة .. وليش وافقتوا على هذي اللمه

هذي خربة ام اغنان مخوفة

سعيدة : معذورين وما يلامون الأنس والجنان

محمد : انتي الحين نادي لنا انويصر وخلينا نخلص

سعيدة : على أمرك يابو جاسم .. يا عمي لصغير (تخرج)

عبد الرحمن : الحين احنا راييل بشنبات تغلبنا مرة تغلبنا اسعيدة

عبد الله: لا تتعجب يا عبد الرحمن .. ابونا آدم اغلبته مرة عبد الرحمن غلطانين ..

ابونا آدم ما اغلبته مره ابونا آدم قص عليه الشيطان واهوه اللي اغواه مهب امنا

حواه ومهب مره

محمد : مهب كل مرة مرة أهناك حريم ادخلوا التاريخ من أوسع أبوابه وحققوا

المعجزات وكانوا ملوك وسلاطين

وانفعوا ابلادهم واهل ابلادهم

عبد الرحمن : بس مثل اسعيدة ما افتكرا

عبد الله : سبحانه يوضع سره في اضعف خلقة

محمد : سبحانه

عبد الرحمن : (أصوات من الخارج) الهدوء الهدوء يا
 أخوان .. في حد ياي
 سعيدة : (تدخل وهي متتكرة وكأنها ام اغنان وتقف في مكان
 عالي وحولها دخان)
 عبد الله : بسم الله الرحمن الرحيم هذا شنهوا بعد .. ابعدا
 ابعدا

انت سعيدة : وينهم اللي يقون انويصر
 عبد الرحمن : (يهرب) يا لطيف اللطف
 عبد الله : انكان علي انا ما ابقيه ولا ابقى اشوفة
 سعيدة عيل انتوا منهم من انتوا ها
 محمد : لاقيتك بالكوع العسم اللي لا له روح ولا نسمة ..
 روعي روعي ولك الامان
 سعيدة : منهو انتوا .. وشتبكون
 عبد الرحمن : (يتكلم من مكانه) احنا أهل البيت
 سعيدة : أي بيت
 عبد الرحمن: هذيه البيت
 سعيدة : قصدك الخرابه

محمد : هذيه البيت قصدي الخرابه بيتنا بيت يدنا وبيت ابونا
 ولا أحد له فيه حق ولا سعيدة هذيه خرابتي .. بيتي
 مستحق انتوا خليتوها تركتوها وأنا استوليت عليها بوضع اليد
 واللي تقدرن اتسونه سووه
 عبد الله اشلون تستولين عليها بوضع اليد والبيت قصدي الخرابه مملوكه ولها ناس
 سعيدة : انت عبد الله صح وإلا أنا غلطانة
 عبد الله منهو أنا ايه أنا (ينظر إلى إخوانه) منهو أناوا

محمد : الريال تسودن بيه انت عبد الله وأنا محمد وهذاك

اللي منخش اهنالك اخونا عبد الرحمن اشفيك

سعيدة ويا بين اهنيه علشان تبقون اتبيعون البيت مهب كذيه محمد : تغريبا كذيه بس
الحين يابيين اهنيه علشان انتشاور

سعيدة : وهذي من فكرته فيكم علشان يتحمل المسؤولية

عبد الله : (بخوف وحذر) فكرت هذاك هذاك اللي منخش
اهناك

سعيدة : هذي فكرتك يا عبد الرحمن مهب كذيه

عبد الله لا واتعرف اسمه بعد الريال راح وطى عبد الرحمن : (يخرج من مكانه)
أنا تقدرين اتسميني المنقذ

سعيدة : اشلون .. فسر ها لي

عبد الرحمن الخرابة هذي بتنهدم يعني بتنهدم .. اذا ما هدمناها احنا بتنهدمها
الحكومة وبتستوي مكانه إما حديقة وإلا عمارات وعقبا انتي بتضيعين لكن اذا
تساهلتي معانا وقدرنا انبيعها نقدر عقبا نشترى لك خرابة على قدك ابعيدة عن
الناس ومطرفة عن لبلاد

اتعيشين فيها على راحتك

اشايفني جدامك ياهل

سعيدة : على هاما يا فرعون

والاما عندي فهامه .. بيه هذيه الكلام اتقوله حق

وحدة غيري حق اللي مثلك لكن أنا لا

محمد : يعني انتي اللي امحيرة هذي الخرابة

سعيدة هذيه المكان بيتم لان نيتكم مهب سليمة ومتى ما صفت النية كل شي بالعدل
عدل نيتكم بطاليه

عبد الله وشنهي هذي النية اللي أتشوفينها مهب سليمة

سعيدة : نيتكم باطلة نيتكم خبيثة فيها عنصريه وفيها ظلم

علشان كذيه ما يقدر أي إنسان يهدم هذي الخرابة ولا ايحرك حصاة وحدة من
حصاها الا عقب ما اتصافا النية

عبد الرحمن : توك انتي اتقولين ان كل شي بالعدل عدل نبقي منك انتي العدل واحنا سعيدة : تبقيني أتنازل عن الخرابة مهب كذيه

عبد الرحمن : ما اتحكون يا جماعة ماي بارد اشفيكم كنه انصب عليكم محمد : اهوه مهب تنازل بس أعطينا فرصة

سعيدة : أنا تنازل ما عندي واللي تبقون أتسوونه سووه

عبد الله : اذا لك اشروط حطي اشروطك وشوفينا عقبها وها تحملى اتضرينا ترا احنا بروحنا املصقين

سعيدة : انا شرطي العدل .. الله سبحانه وتعالى قال اذا حكمتم بين الناس فاحكموا بالعدل

محمد : اشرايك يا عبد الرحمن

عبد الرحمن : اشرايي .. هذي اللي جدامي مهب ام اغنان .. ام اغنان اتكلم هشكل واطالب بالعدل لا لا

هذي مهب ام اغنان

عبد الله العدل زين العدل يرضي كل لطرف

محمد : ما عقب العدل عدل .. وكلنا راضين بالعدل

عبد الرحمن احنا امواقين على كلامك يا أم اغنان مهب هذيه اسمك سعيدة : الناس اتسميني كذيه

عبد الرحمن واحنا من الناس ٠٠ نادي لنا انويصر ولا اتهونين

سعيدة : بس أنا انويصر ما اظمنه لكم عبد الرحمن اشلون يعني ما تضمنينه

سعيدة : ما اظمنه ايوافق والا لا

عبد الله : اقنعيه شوري عليه

محمد : انويصر شوره عندك شوره تحت يدك واحنا

نبقي ننهي المسألة بأسرع ما يمكن (يلتفت إلي أخيه

قال داوها وتبرا

عبد الله قال قصها وتبرا

سعيدة : (تخرج) انويصر يا انويصر اعيال عمك ينطرونك تعال يا غناتي

ناصر : (يدخل) هيه هيه

(الجميع يخافون ويهربون بينما يظل ناصر يصول

ويجول على المسرح)

عبد الله : (يخرج من مخبئه) بسم الله الرحمن الرحيم

ناصر : هيه هيه عمي عبدالله عمي عبد الله

عبد الله : (بخوف) أي نعم أنا عمك عبد الله اسمعي يام

اغنان ترا احنا ما ضريناك ولا نبقىك اتضرينا

عبد الرحمن : (من مكانه) وصيه علينا يا ام اغنان

اشبلاكم ينيثوا ام اغنان راحت مهب اهنية محمد يا انويصر ما أتعرفني أنا عمك محمد تعال

ناصر : لا لا أنا ما اعرفك أنا اعرف عمي عبد الله عمي

عبد الله

عبد الرحمن : الربال ايناديك يا عبد الله .. رد عليا اشفيك خايف

محمد : وينه عمك عبد الله اتعرفه

ناصر هيه هيه هناك عمي عبد الله (يذهب اليه يجري

وعبد الله يهرب منه)

عبد الرحمن : كفوا كفوا على ولدنا ناصر انت الحين عندك ثلاث عمام عمك عبد

الله وعمك محمد وعمك عبد الرحمن اللي اهو أنا

ناصر : لا أنا عمي عبد الله وبس

محمد على كيفك

عبد الرحمن : شوف شغلك يا عبد الله هذا الولد عندك احنا

بنروح عنك وفهمه الموضوع بطريقتك عبد الله : وين بتروحوون

محمد : بنروح عنك علشان تاخذ راحتك معاه في الكلام

عبد الله : وبتخلوني معاه لالا احنا دخلنا اللعبة مع بعض انتم مع بعض

عبد الرحمن : الحين لصبي ما ايعرفك الا انت .. ومحد غيرك بيتكلم معاه
عبد الله : أتكلم معاه وانتوا اوقوف .. ايه .. اتخلوني بروحي لا
: بيه احنا وياك مهيب رايعين عنك محمد
عبد الله : ايه عاد شاقول له
عبد الرحمن : قوله الموضوع قول له احنا اهنيه يابيين نبقي انبيع الخرابه وانت
اشرايك
عبد الله : هذيه مسكين دابشه
وينه ووين الراي
عبد الرحمن: مهيب هذيه شورك مهيب هذيه رايك ياالله
الحين فككها
محمد : أنا باكلمه ناصر ناصر
ناصر : هيه هيه أنا ناصر
عبد الله انت يا ناصر ياولدي مبسوط اهنيه مرتاح في الخرابه
بروحك
ناصر : (يضحك) أنا مهيب ابروحي انتوا معاي .. هيه هيه
عبد الرحمن: لا واينكت بعد
محمد : اسكت عمك عبد الله قصده انت كل يوم اتجي
الخرابه حد معاك اهنيه .. في شي اتسويه اهنيه
ناصر : أنا معاي ناس وايد اكلهمم وايكلموني لكن ما
اشوفهم بس أهما أيقولون ايشوفوني .. (يبكي)
عبد الله : ناصر .. يكسر خاطري ها لصبي لين شفته يصيح
عبد الرحمن : يا أخي دش معاه في الموضوع واخلص
محمد : ليش انت مستعجل كذيه اصبر اشوي .. خل
الريال ياخذ ويعطي معاه
عبد الرحمن : لين طالت بارت

عبد الله : ناصر انويصر

ناصر : نعم

سعيدة : كيف انت نسيت انك انت نسيت اسأل أخوك محمد

يمكن اذكرك (تخرج)

عبد الرحمن شا السالفة

محمد : (يكلم عبد الله) احنا نسينا شي مهم يا عبد الله

عبد الله : ابو الله تذكرت- فعلا احنا نسينا شي مهم

عبد الرحمن : وشنهو هذا الشي المهم اللي نسيناه

عبد الله : انت الحين يوم انك ما خذنا بشراع وميداف

وبنبيع الخرابة وخلصنا انبيع الخرابة عندك اوراق ثبوتيه عليها

عبد الرحمن أوراق ثبوتيه

محمد : ايه عندك بروة عندك ملكيه للخرابة

عبد الرحمن : لا

عبد الله عيل هذي النفخة والحشرة اشعليه

محمد : نفخة على بايق

عبد الرحمن ليش هذي الخرابه لها اوراق لها ملكية عبد الله عيل اشلون يا خوا ..

اشلون تثبت حقك في شي

وانت ما عندك عليه صك

عبد الرحمن : مهب انت اكبرنا .. اذا في صك أكيد بيكون عندك

محمد : ها .. الحين عرفت ليش الربال يا معنا وايترشانا .. تراه يفتكر ان الصك

عندك يا عبد الله (يلتفت إلي عبد الرحمن) لا يا الحبيب الصك مهب عندي ولا

عند عبد الله الصك عند ام مرزوق

عبد الرحمن من عنده

عبد الله : عند أم مرزوق

عبد الرحمن : من صجكم . اشوف المرة ظهرها قوي ترا كل شي

لا اكيد انتوا في يدها لالا أنا مهب امصدق اتغشمرون .. مهب كذيه .. ايه انتوا
اتغشمرون)

(حالة هستيرية)

محمد : الريال استين استخف يود اخوك يا عبد الله

عبد الله: اذكر الله يا عبد الرحمن معاك انت مهب ابروحك احنا

عبد الرحمن : ام مر زوق عاد

سعيدة : واشفيها ام مرزوق مهب تارسه عينيك جزاها اللي اتحافظ على احقوقكم
هذيه

عبد الرحمن : لا والله مشكورة وجزاك الله خير

سعيدة : في ناس يبقونك برع يا عبد الله ياكبير الأخوان

عبد الله منهم هذيل الناس

سعيدة : اخليهم ايدشون

محمد : خليهم ايدشون احنا مهب قاعدين في برزه احنا في

خرابة

سعيدة : على امرك (تخرج)

عبدا لرحمن : الله يستر من مفاجئاتك

سعيدة : اتفضل

محمد : مرحب

سعيدة : اتفضل هذيه فرج له سهم امه امباركة الله

يرحمها

هذيه جوهر له سهم ابوه امبارك

عبد الله ومحمد : الله يرحمها

عبد الرحمن : اهلا

سعيدة : اتفضل هذيه سالم له سهم خالة مسعود

عبد الله : يا مرحبا

عبد الرحمن بقى حد بعد

سعيدة : بقوا الحريم خليتهم برع ادخلهم علشان اتعرفون
عليهم

محمد : دخلهم

سعيد : يابيه .. يابيه

عبد الله : لحظه يا اسعيدة

سعيدة : اخليهم ايدشون

محمد : خليهم ايدشون احنا مهب قاعدين في برزه احنا في
خرابة

سعيدة : على امرك (تخرج)

عبدا لرحمن : الله يستر من مفاجئائك

سعيدة : اتفضل

محمد : مرحب

سعيدة : اتفضل هذيه فرج له سهم امه امباركة الله
يرحمها

هذيه جوهر له سهم ابوه امبارك

عبد الله ومحمد : الله يرحمها

عبد الرحمن : اهلا

سعيدة : اتفضل هذيه سالم له سهم خالة مسعود

عبد الله : يا مرحبا

عبد الرحمن بقى حد بعد

سعيدة : بقوا الحريم خليتهم برع ادخلهم علشان اتعرفون
عليهم

محمد : دخلهم

سعيد : يابيه .. يابيه

عبد الله : لحظه يا اسعيدة

عبد الرحمن : اشعندك انت بعد

سعيد : في جماعة من البلدية سألوا عليك في البيت وايقولون

عايزينك جبتهم معاي .. اخليهم يخشوا

محمد : اكيد هذيله لجنة التثمين خلهم يخشوا يابيه طبعانة

دوس على تريكةها

عبد الرحمن : من لجنة التثمين هذا اللي ايقول صخنا الماي وطار

الديك . يودوني عنزولي .. (يسقط)

عبد الله : يو د يود

(ستار)

أول من كتب للمسرح التربوي مسرحية (الدلال) سنة ١٩٧٣م، كتب للإذاعة خمسة مسلسلات واشترك في برامج إذاعية عدة، كتب للتلفزيون ومثل مرة واحدة في مسرحية (بائع الصندل) سنة ١٩٨٧م، قدم للتلفزيون على الهواء مباشر برنامج ليالي سوق واقف وشارك في تقديم برنامج (الليوان) سجل للتلفزيون حكايات بعنوان (سوالف لول قدم محاضرات عدة في جامعة قطر وفي المدينة التعليمية جامعة كارنيجي وفي عدد من المدارس المستغلة أولاد وبنات وفي المنتديات

الأدبية والمؤسسات الخيرية. شارك مع وزارة الثقافة والرياضة الأسابيع الثقافية في كل من فرنسا خمس مرات وألمانيا مرتين والكويت ثلاث مرات وقرقيزيا والجزائر وسوريا والامارات وبريطانيا مع وزارة الأوقاف والشؤون الدينية بمهنة

طواش لخبرته الطويلة في هذا المجال

مسرحيات أطفال جاهزة للعرض

بالون العجائب صندوق علاء الدين - علي بابا والعصايا.

مسرحيات للكبار جاهزة للعرض

سالفة أتجيب سالفة - خرابة أم أغنان

مسرحية (مطوعين الصعايب)

صدرت له الكتب التالية:

قصص وحكايات شعبية الجزء الأول ٢٠٠٢ الشرح المختصر في أمثال قطر

٢٠٠٥ - الأسواق الشعبية في قطر ٢٠٠٦ - ما ذكر من

أمثال قطر على لسان البدو والحضر ٢٠٠٧ المهن والحرف والصناعات الشعبية

في قطر ٢٠٠٨ - أعلام من قطر ممن علموا القرآن للأبناء في الصغر ٢٠٠٩ -

جواب كل سائل عند معالجين قطر الأوائل ٢٠٠٩ - المعتقدات الشعبية لأهل قطر

٢٠١٠

أسماء الأمراض الشعبية وطريقة علاجها بالأعشاب الطبية ٢٠١٠. الألعاب

والأهازيج الشعبية ٢٠١١. قصص وحكايات شعبية الجزء الثاني ٢٠١٣ معجم

المصطلحات الشعبية وشرحها للغة العربية

٢٠١٦

- كتب في طور الدراسة والإعداد الفنون الشعبية في قطر

عادات وتقاليد وأساطير خرافية شعبية

فريج أهل شرق ، نواخذة وسرادلة زمان

القاص والكاتب المؤرخ والباحث في الموروث الشعبي خليفة محمد صالح المالكي

خليفة السيد محمد صالح المالكي ٩٢٧٣٠٠٩٧٤٥٥٥٠ الدوحة قطر